

本草品彙精要

四

本草品彙精要卷之二十三

獸部上品

七種神農本經朱字

三種名醫別錄黑字

三種唐本先附注云唐附

二種宋本先附注云宋附

五種陳藏器餘

已上總二十種

龍骨白龍骨齒角
吉弔紫稍花附

麝香

熊脂膽腦髓掌
肉血附

牛黃

牛角腮髓膽心肝腎齒肉屎
溺附自中品今移

牛乳

酥

酪唐附

乳腐宋附

醍醐唐附

象牙宋附齒肉脂
膽胸骨附

阿膠

白馬莖眼蹄齒心肺肉骨屎溺
附自中品今移并增圖

馬乳驢乳附

底野迦唐附

五種陳藏器餘

茶苜机

諸朽骨

烏氈

海獺

土撥鼠

本草品彙精要卷之二十三

獸部上品

鱗蟲

龍骨 無毒白龍骨齒角
吉弔紫稍花等附

龍骨

出神農
本經

主心腹鬼疰精物老魅欬逆洩痢膿血女子漏下癥瘕堅結小兒熱

氣驚癇○齒主小兒大人驚癇癰疾狂走心下結氣不能喘息諸瘧殺精物○角

久服輕身通神明延年

以上朱字
神農本經

骨療心腹煩滿四肢痿枯汗出夜臥自驚恚怒

伏氣在心下不得喘息腸癰內疽陰蝕止汗縮小便溺血養精神定魂魄安五臟

○白龍骨療夢寐洩精○齒小兒五驚十二癇身熱不可近大人骨間寒熱又殺

蠱毒○角主驚癇癰

尺曳切

癰

子用切

身熱如火腹中堅及熱洩

以上黑字
名醫所錄

〔地〕

〔圖經曰〕
出晉地川

谷及泰山巖水岸土穴中死龍處今河東州郡梁邑間蜀山多有之其齒小強猶有齒形角強而實及骨并腦須白地錦文舐之粘舌而具五色者為佳黃白色者次之黑色及生硬或經絡不淨處者不堪用其文細而廣者是雌文麤而狹者是雄皆出龍蛻實非死龍也然其色有五與五臟相應如五芝五石英五石脂輩之義惜乎本經而未分耳若無文如朽骨者謂之土龍骨藥不甚須海人云龍每生二卵一為吉弔多與鹿遊或於水邊遺瀝值流槎則粘着木枝如蒲槌狀其色微青黃復似灰色號為紫稍花坐湯多用之李肇國史補云春水時至魚登龍門蛻其骨人採之亦有五色者况龍門又屬晉地恐今所謂龍骨乃此魚之骨乎〔衍義曰〕諸家之說紛然不一既不能指定終是臆度西京潁陽縣民家崖壞忽得龍骨一副肢體頭角悉具不知其蛻也其斃也若謂蛻斃則是有形之物而又生不可得見死方可見謂其化

也則其形獨不能化蓋萬物所稟各
異造化不可盡知莫可得而詳矣
〔時〕〔生〕無時
〔用〕〔舌〕之粘
〔色〕〔錦〕
〔味〕〔甘〕
〔性〕〔平微寒〕

〔氣〕氣之薄者
〔臭〕朽
〔主〕固氣〔助〕得人參
〔反〕畏石膏 畏乾
漆蜀椒理石
〔製〕〔雷公云〕凡使先以
香草煎湯浴過兩度

搗研如粉用絹袋子盛粉末子以鷺子一隻壁破腹去腸安骨
末袋於鷺腹內懸於井面上一宿至明取骨末重研萬下用之
〔治〕〔療〕〔圖經曰〕齒角兼用治心○

骨逐邪氣安心神止冷痢女子崩中帶下及夜夢鬼交虛而多夢紛紜○齒鎖心安魂魄○齒
角主小兒熱〔日華子云〕骨健脾澀腸胃止瀉痢渴疾懷孕漏胎腸風下血鼻洪吐血止汗
〔合治〕

骨合虎骨遠志爲末酒服治好忘聰明益智○合韭子爲末酒服止失精暫睡即洩

毛蟲

麝香 無毒

胎生

麝香 出神農 本經 主辟惡氣殺鬼精物溫瘡蠱毒癰瘻去三蟲久服除邪不夢寤魘寐

以上朱字 神農本經 療諸凶邪鬼氣中惡心腹暴痛脹急痞滿風毒婦人產難墮胎去面黧 音

目中膚瞽通神仙 以上黑字 名醫所錄 〔名〕麝 〔地〕〔圖經曰〕出中台山谷及益州雍州山中今陝西益

形似驢而小常食柏葉其香正在陰前皮內別有膜裏之春分取其生者益良蠻人採得以一子香刮取
皮膜雜內餘物裹以四足膝皮共作五子而土人買得又復分揉一爲二三其僞可知惟生得之乃爲真
爾商汝山多羣麝所遺糞常就一處雖遠逐食必還走其地不敢遺跡他所慮爲人獲人反以是求得
必掩羣而取之蓋麝絕愛其膻每爲人所逐勢急即投巖舉爪剔裂其香就熱而死猶拱四足保其膻李
商隱云投巖麝退香許渾云尋麝採生香正此謂也 蘄光山或時亦有然其香絕小一子纔若彈丸往
往是真香蓋彼人不甚能作僞爾一說香有三種第一生香麝子夏食蛇蟲多至寒則香滿入春膻內急
痛自以爪剔出之落處遠近草木皆焦黃此極難得今人帶真香過園中瓜果皆不實此其驗也其次膻
香乃捕得殺取者又其次心結香麝被大獸捕逐驚畏失心狂走巖墜巖谷而斃人得之破心見血流出

敵而香不欲唐天寶虞人嘗獲一水麝詔養於園中每取以鍼刺其臍捻其雄黃塗之復合其香氣倍於肉麝近歲不復聞有之〔時〕〔生〕無時〔收〕以蠱器收貯〔色〕黑〔味〕辛〔性〕溫散〔氣〕者厚〔臭〕香

〔主〕辟邪穢〔製〕〔雷公云〕凡使麝香並用子日開之不用苦細研篩用之也〔治〕〔療〕〔陶隱居云〕祛蛇毒辟惡夢及尸疰鬼驚癩客忤鎮心安神止小便利蝕一切癰瘡膿〔日華子云〕催生殺臟腑蟲制蛇蠶咬沙蟲溪瘴毒吐風痰納子宮暖水臟止冷帶疾〔別錄云〕除百病一切惡氣〔合治〕合乳汁調服

服藥未平除○合墨研書額上去邪壓治〔禁〕妊娠不〔忌〕大〔解〕毒瘡有效○合醋研服治中惡客忤垂死差〔禁〕可服〔忌〕大〔解〕毒

熊脂

無毒附膽腦髓掌肉血

胎生

熊脂 出神農本經 主風痺不仁筋急五臟腹中積聚寒熱羸瘦頭瘍白禿面好炮久服

強志不饑輕身長年 以上朱字 神農本經 食飲嘔吐 以上黑字 名醫所錄 〔地〕〔圖經曰〕出雍州山谷今雍洛河

豕而性輕捷好攀緣上高木見人則顛倒自投地而下冬則入穴藏蟄至春而出其脂謂之熊白也十一月取之須其背上者寒月則有夏月則無其腹中肪及他處脂煎煉亦可入藥而不中噉膽亦多偽欲試之取粟顆許滴水中一道若線不散者為真躡即掌也為八珍之一古今最重之但脂參之切黃熟也之難熟多食令人耐寒熊性惡鹽食之則死 〔時〕〔生〕無時〔採〕〔收〕

〔脂〕以蠱器盛 〔用〕脂膽腦髓 〔色〕白 〔味〕甘 〔性〕微寒 〔膽〕寒 〔肉〕平 〔氣〕氣之薄者 〔臭〕腥 〔脂〕陰乾 〔掌肉血〕

〔主〕補虛損 〔反〕〔膽〕惡防 〔製〕〔雷公云〕凡收脂後鍊過就器中安生椒一斤熊脂除風痺 〔反〕已地黃 〔入生椒十四箇鍊了去脂革并椒入瓶中收任用 〔治〕〔療〕

本注云 膽除熱盛變為黃疸暑月久痢疳蠱心痛疰忤 腦除諸聾 血小兒客忤 脂長髮令黑悅澤人面酒鍊服之差風痺 藥性論云 膽消小兒五疳殺蟲塗惡瘡 脂去面上野黯及塗瘡 日華子云 白祛風殺勞蟲 脂強心 腦髓去白禿風屑頭旋并落髮 掌食禦風寒 膽塗疳瘡耳鼻瘡及疳疾 別錄云 肉除風痺筋骨不仁 骨養湯浴歷節風及小兒客忤 膽小兒驚癩 〔合〕

治膽合乳汁并竹瀝療小兒驚癇瘰癧去心中涎良

牛黃有小毒

胎生

牛黃出神農本經主驚癇寒熱熱盛狂瘕除邪逐鬼以上朱字神農本經療小兒百病諸癇熱口不

開大人狂癲又墮胎久服輕身增年令人不忘以上黑字名醫所錄地出登萊密淄青舊戎州它

處或有不甚佳凡牛有黃者皮毛光澤眼如血色時復鳴吼又好照水人以盆水承之伺其吐出乃喝迫即墮落水中既得之陰乾百日一子如雞子黃大其重疊可揭析輕虛而氣香者佳然此物多僞今人試之皆指摩手甲上以透甲黃者為真又云此有兩種喝迫而得者名生黃其殺死而在角中得者名角中黃心中剝得者名心黃初在心中如漿汁取得便投水中露水乃硬如碎蒺藜或皂莢子是也肝膽中得之者名肝黃大抵皆不及喝迫得者最勝唐本注云黃有三種散黃粒如麻豆慢黃若雞卵中黃糊在肝膽圓黃為塊形有大小並在肝膽中多生於膝音秦特牛其吳牛未聞有黃也衍義曰亦有駱駝黃皆西戎所出也駱駝黃極易得醫家常審別考而用之為其形相亂也時生無時黃牛黃性輕鬆自然微香以此為異若音秦牛黃則堅而不香也時生無時收陰乾百日使時燥無令見用喝迫吐出質類雞子黃而色黃味苦性平日華氣陰厚氣薄日月光者最佳者類雞子黃而輕鬆可析色黃味苦性平日華氣陰厚氣薄

臭香寧心神主除癰熱助人參為反惡龍骨地黃龍膽蜚製雷公云凡使用須先單擣細

皮裹安於水面上去水三四尺已來一宿至明方取用之治藥性論云辟邪魅安魂定魄小兒夜啼又卒中惡合治

合竹瀝調敷初生小兒口噤合乳汁調臍下書田字療小兒腹痛夜啼禁妊婦賈駱駝黃

牛角鰓無毒附髓膽心脾腎齒肉尿溺

牛角鰓出神農本經主下閉血瘀血疼痛女人帶下血髓補中填骨髓久服增年

膽可丸藥

以上朱字
神農本草經

水牛角味苦冷無毒療時氣寒熱頭痛○髓味甘溫無毒主

安五臟平三焦溫骨髓補中續絕傷益氣止洩痢消渴以酒服之○膽味苦大寒

除心腹熱渴利口焦燥益目精○心主虛忘○肝主明目○腎主補腎氣益精○

齒主小兒牛癩○肉味甘平無毒主消渴止嘔洩安中益氣養脾胃自死者不良

○屎寒主水腫惡氣用塗門戶著壁者燔之主鼠瘻惡瘡○黃犍牛烏牯牛溺主

水腫腹脹脚滿利小便

以上黑字
名醫所錄

〔地〕

〔陳藏器云〕本經不言黃牛鳥牛水牛但言牛牛有數種南人以水牛爲牛北人以黃牛鳥牛爲牛牛種既殊

入用亦別故乳及溺尿去病者黑牛勝於黃牛也〔孟詵云〕牛者稼穡之資不多屠殺自死者血脉以絕骨髓已竭而不堪食黃牛發藥動病不如水牛也惟酥乳佳黑牛尤不可食但其尿及尿宜入藥用

〔收〕

取牛涎以水洗口後鹽塗之則重吐出收用

〔用〕

角鰓心肝腎肉膽齒頭蹄尿屎鼻牛莖口中涎口中齧草髓耳中垢毛鼻中木卷草卷

〔味〕

黃牛角鰓苦甘沙牛角鰓苦

〔性〕

黃牛角鰓溫沙牛角鰓溫

〔氣〕

味厚於氣陰中之陽

〔臭〕

腥

〔主〕

消瘀血止帶下

〔製〕

燒灰用

〔治〕

〔療〕〔圖經曰〕沙牛角鰓灰塗乳上令兒

吮之治飲乳不快覺似喉痺者○烏特牛溺除脚氣少腹脹小便澀○黃犍牛溺下水腫○屎燒灰傳灸瘡○口中涎止反胃○老牛涎沫主噎○口中齧丑之反草絞汁服止嘔唐本注云鼻中木卷治小兒

癰○草卷燒屑傳小兒鼻下瘡○耳中垢塗蛇傷惡瘡七吏切毒○臍中毛治小兒久不行○白牛懸蹄止婦人崩中漏下赤白○尿止霍亂○尿中大豆除小兒癰及婦人產難○特牛莖治婦人漏下赤白無

子○腦止消渴除風眩○齒主小兒驚癇○尿止消渴黃疸水腫脚氣小便不通〔藥性論云〕黃牛角鰓止婦人崩中赤白帶下及冷痢瀉血○青牛膽止消渴利大小便〔日華子云〕水牛角煎治熱毒風并壯

熱○角鰓燒焦止腸風瀉血痢崩中帶下水瀉○涎止嘔吐○黃牛骨髓止吐血鼻洪崩中帶下腸風瀉血并水瀉燒灰用〔陳藏器云〕牛肉消水腫除濕氣○黃牛水牛角鰓灰主赤白痢〔孟詵云〕烏牛乾糞

止小兒夜啼取如手大置臥席下勿令母知子母俱吉○頭啼下風熱〔衍義曰〕白水牛鼻治偏風口喝斜以火炙熱於不患處一邊熨之漸正〔別錄云〕牛鼻作羹婦人空心食之乳汁即下○烏牛耳中垢敷

疳蟲蝕鼻生瘡〔補〕〔陳藏器云〕黃牛肉補虛令人強筋骨壯健益腰脚

〔合治〕沙牛角鰾燒灰合酒服療喉痺腫塞欲死者○黃牛膽合天南星末消痰除風○黑牛髓合地黃汁白蜜作煎服治

瘦病○臘月牯牛膽入黑豆浸百日每夜服二七粒鎮肝明目○肝合腹內百葉生薑醋食之療熱氣水氣丹毒壓丹石發熱解酒勞○鼻合石鷲羹汁服療消渴

〔禁〕牛自死者發痼疾疰瘵令入成

症病頭蹄患冷疾人不可食獨肝者有大毒食之痢血至死北人牛瘦多以蛇從鼻灌之則為獨肝也水牛則無之

〔忌〕青牛腸不可共犬肉犬血食令人成病

牛乳無毒

牛乳主補虛羸止渴

〔名醫所錄〕

〔地〕

〔唐本注云〕犍牛水牛南北皆有之犍牛乳為佳而不用新飲者水牛乳造石蜜須用之及作酪濃厚味勝於犍牛也

〔時〕〔生〕無時

〔採〕無時

〔收〕

〔色〕白

〔味〕甘

〔性〕微寒

〔氣〕薄者

〔陽中之陰〕

〔臭〕羶

〔主〕

止渴

〔製〕

凡使乳必煮一二沸停冷啜之熱食即壅

〔治〕

〔療〕日華子云黃牛乳髓潤皮膚養心肺解熱毒〔陳藏器云〕下熱氣止渴〔別錄云〕除胃中熱心脾中熱下焦虛冷小便多漸羸瘦〔補〕〔別錄云〕

補虛

〔合治〕合酥煎數沸待冷服去冷氣痼癖羸瘦○合薑汁銀石器中煎數沸服治小兒煩熱穢

〔禁〕

熱飲令人口乾患冷氣人不宜服之犍牛乳生飲令人利

與生魚食之則作瘕與酸物同食令人腹中結瘕

〔解〕熱毒

酥無毒

酥補五臟利大腸主口瘡

〔名醫所錄〕

〔地〕

〔陶隱居云〕出外國亦從益州來今南北皆有之是牛羊乳而成作之自有法蓋酪成於乳酥成於酪堪作餅食之

甚肥甘〔唐本注云〕酥摺他勞切酪作之其性猶與酪異然有牛酥羊酥而牛酥甚於羊酥其聲音茅牛復優於家牛也

〔時〕

〔生〕無時

〔採〕無時

〔收〕

〔盛貯〕

〔用〕冬月取者佳

〔色〕白

〔味〕甘

〔性〕微寒

〔氣〕薄者

〔陽中之陰〕

〔臭〕羶

〔主〕

益心肺

〔治〕

嗽除肺痿心熱并吐血

〔孟〕

〔洗云〕除胸中熱利腸

〔合治〕

合諸膏摩風腫踈跌血

酪毒無

酪主熱毒止渴解散發利除胸中虛熱身面上熱瘡肌瘡名醫所錄〔地〕〔圖經曰〕舊本不

北多有之牛馬驢羊乳大抵功用相近惟驢乳性冷利〔時〕〔生〕無時〔收〕以藥器貯之〔色〕白〔味〕

不堪作酪羊乳溫補馬乳作酪為佳不若牛乳為上也〔採〕無時〔性〕寒〔氣〕氣薄味厚〔臭〕羶〔治〕〔療〕〔日華子云〕牛酪止煩渴熱悶心膈熱痛〔別錄云〕

飲酪自消〔合治〕合鹽熱煮摩丹〔禁〕患冷人勿食羊乳酪為黃水毒癰癰即消〔禁〕患痢人亦不可食

乳腐無毒

乳腐潤五臟利大小便益十二經脉微動氣細切如豆麵拌醋漿水煮二十餘沸

治赤白痢小兒患服之彌佳名醫所錄〔地〕〔南北皆有之〕〔時〕〔生〕無時〔採〕無時〔用〕細膩不去〔色〕白

〔味〕甘〔性〕微寒〔氣〕氣之薄者〔臭〕羶〔禁〕動氣

醍醐無毒

醍醐主風邪痺氣通潤骨髓名醫所錄〔地〕〔圖經曰〕舊不載所出州土今南北皆有之此酥中之

耕切鍊貯器中待凝穿中至底便津出而得之〔蜀本云〕一說在酥中盛冬不凝盛夏不融者是也〔衍義曰〕作酪時上有一重凝者為酪面酪面上其色如油者為醍醐熬之即出不可多得極甘美雖如此

取之用處亦少惟潤養瘡痂最相宜也〔時〕〔生〕無時〔採〕無時〔收〕性滑以物盛之皆透惟雞〔色〕白〔味〕甘〔性〕平

〔氣〕氣之薄者陽中之陰〔臭〕羶〔主〕潤心肺〔製〕〔雷公云〕凡使以綿重濾過於銅器中沸三兩沸了用〔治〕〔療〕〔日華子云〕止驚悸心熱頭疼明目

傳腦頂心〔衍義曰〕潤養瘡痂〔別錄云〕〔合治〕合酒調服療中風煩熱皮散風邪通潤骨髓及肺病咳嗽膿血不止〔合治〕膚瘙癢及補虛去風濕癰

象牙無毒附齒肉睛膽胸骨

胎生

象牙主諸鐵及雜物入肉刮取屑細研和水傳瘡上及雜物刺等立出○齒主癰

病屑爲末炙黃飲下○肉味淡不堪噉多食令人體重主禿瘡作灰和油塗之○

睛主目疾和乳滴目中○胸前小橫骨令人能浮水作灰酒服之名醫所錄〔地〕曰〔圖經

交趾潮循等州其獸孕五歲始產六十歲骨方足身有百獸肉自有分段或曰身具十二背肉配十二辰惟鼻是其本肉鼻端有爪可拈鍼芥膽不附肝隨四季而在四腿春在前左夏在前右如龜定體太平廣

記云安南有象能知人曲直有鬪訟者行立而鯁之有理者則過無理者以鼻卷之擲空數丈以牙接而刺之即若芻之觸奸草之指佞蓋物性之靈而所寓正之氣然耳〔用〕牙齒骨

〔色〕白〔味〕淡〔性〕平〔氣〕氣之薄者〔臭〕朽〔製〕刮細〔治〕〔圖經曰〕治咽中刺刮便不通生煎服之小便多燒灰飲下膽明目及治疳〔別錄云〕膽水塗瘡腫〔合治〕合白梅肉傳

差又口臭每夜水研少許綿裹貼齒根或含之平明煖水洗口如此三五度差〔合治〕合白梅肉傳

骨及魚骨刺入肉不出者○合琥珀竹膏真珠犀角牛〔禁〕多食肉令黃治風癰熱骨蒸勞諸瘡○膽合乳滴目中療目疾人體重

阿膠無毒

熬成

阿膠出神農本經主心腹內崩勞極洒洒音薛如瘧狀腰腹痛四肢酸疼女子下血安胎

久服輕身益氣以上朱字神農本經丈夫小腹痛虛勞羸瘦陰氣不足脚酸不能久立養肝

氣以上黑字名醫所錄〔名〕盆覆膠〔地〕〔圖經曰〕出東平郡之東阿故名阿膠也其法以阿縣城北井水煮烏驢皮成之其井官禁民間真者最爲難得今之市者形色製作頗

精入藥未聞其効蓋不得此井水故耳大抵鹽皮
得阿井水煎者乃佳也其餘但可膠物不堪藥用
〔性〕平微
〔氣〕氣厚味
〔臭〕腥
〔主〕安胎
〔行〕陰經厥陰經
〔助〕山藥爲之
〔反〕畏大黃
〔時〕無
〔收〕乾
〔用〕明淨
〔色〕黑
〔味〕甘

〔製〕雷公云凡使先於豬脂內浸一宿至明出於柳木火上炙待泡了
細研用今以判如麻豆大與蛤粉同入鍋內炒令成珠方入藥用
爲最○諸膠祛風止洩〔補〕〔藥性論云〕堅筋骨益氣
〔陳藏器云〕補虛〔湯液本草云〕和血脉補肺金不足
〔合治〕炒令黃燥爲散每食前以粥飲調下二
酒一鍾半煎令消化療妊娠無故卒下血不止一服即
愈○以二兩合酒一鍾半煮取一鍾頓服療妊娠血利

白馬莖無毒附眼蹄齒
心肺肉骨尿溺

白馬莖出神農本草經主傷中脉絕陰不起強志益氣長肌肉肥健生子○眼平主驚癇

腹滿瘡疾當殺用之○懸蹄平主驚邪癰癰乳難辟惡氣鬼毒蠱疰不祥以上朱字神農

本白馬莖治小兒驚癇○懸蹄止衄血內漏齩齒○白馬蹄味甘平熱無毒療婦

人瘵下白崩○赤馬蹄療婦人赤崩○齒主小兒驚癇○髻頭膏平主生髮○髻

毛主女子崩中赤白○心主喜忘○肺主寒熱莖痿○肉味辛苦冷有毒主熱下

氣長筋強腰脊壯健強志輕身不饑○脯療寒熱痿痺○尿微溫主婦人崩中止

渴及吐下血鼻衄金瘡止血○頭骨微寒主喜眠令人不睡○溺味辛微寒主消

渴破癥堅積聚男子伏梁積疝婦人瘕疾銅器承飲之以上黑字名醫所錄〔地〕〔圖經曰〕出雲

獸部

五

中平澤今處處

中平澤今處處

有之馬之色類甚多以純白及口眼蹄皆白者是也然百數中時兩三爾按陳藏器云凡收白馬莖當以遊牝時力勢正強而生取得者為佳尿管入藥亦以白馬者良

〔收〕陰乾百日用莖鬚頭膏白馬蹄鬚毛肉溺心肺肺齒齒〔味〕甘〔性〕平〔氣〕味厚於

之〔臭〕臊強陰〔製〕雷公曰凡用以銅刀劈破作七片將生羊血拌蒸〔治〕療〔唐本注

兒驚癇○白馬眼辟小兒魘病令母帶之○尿中粟治金瘡及小兒客忤寒熱不能食○絆繩主小兒癇

作湯洗之〔藥性論云〕白馬莖主男子陰痿〔日華子云〕頭骨治多睡作枕枕之及燒灰傳頭耳瘡○尿

洗頭瘡白禿〔陳藏器云〕尿絞汁治傷寒時疾服之當吐下及產後諸血氣并時行病起合陰陽垂死者

並溫服之〔孟詵云〕懸蹄主驚癇○赤馬蹄辟瘟瘧○鬚燒灰止血并傳惡瘡〔食療云〕馬汗入人瘡毒

氣攻心悶絕者以粟櫟草燒作灰淋取濃灰汁熱煮醱瘡於灰汁中須臾白沫出盡即瘡白沫者是毒氣

也〔別錄云〕糞水煮絞汁漬毒熱攻手足腫疼痛欲脫者○骨作末傳乳上令兒飲止小兒夜啼不已○

白馬懸蹄切碎塞患齒齲不過三度瘡○白馬尿取三升空心飲之療肉癰思肉不已食訖復思法當吐

肉不吐即死及治斃瘡○馬蹄屑二兩縫囊男左女右帶之辟瘟疫○夜眼如米大以綿裹內蛀齒孔中

治齒痛○頭骨燒灰為末水服方寸匕日三夜一療人嗜眠喜睡○糞燒灰為末研傳馬咬人傷或刺破

瘡及馬汗入瘡毒痛者或馬尿洗亦佳○尾燒於小兒面前令兒咽烟氣療小兒中馬毒及客忤每日燒

之以瘡為度○肉爛煮汁洗碗豆瘡或煮乾肺亦得○溺塗乳腫立愈○黑駝馬尿熱浸刺瘡當蟲出愈

○馬騾濕糞炒分取半替換熱熨杖瘡并打損瘡中風疹痛處令則易之滿五十過極効○赤馬皮療難

產臨產鋪之令產〔合治〕白馬莖陰乾為末合菴蓉蜜丸空心酒下四十九日再服主益丈夫陰氣○

母坐上即易生〔合治〕骨作灰合醋傳小兒頭瘡亦養身上瘡并白禿瘡○白馬蹄燒灰為末合臘

月豬脂和傳頭赤禿○尿三升燒令煙盡合酒三斗煮三沸去滓浴小兒卒中客忤○蹄燒作灰末合豬

脂塗綿上導下部日數度療病人齒無色舌上白或喜睡憤憤不知痛痒處或下痢可急治下部不曉此

者但攻其上不下為意下部生蟲食其肛門爛見五臟便死者差○野馬肉一斤細切合豉煮汁著五

味葱白調和作腌臘食之或作羹粥及白煮喫之能治馬癰動發無時筋脉不收周痺肌肉不仁○蹄灰

合豬脂和傳天行蠶瘡日五六次○馬通絞取汁一盞合酒和服之療產後寒熱心悶極脹并百病○糞

合齒共研爛傳多年惡瘡不瘥或痛或痒及生蠶者不過三兩度良○牙燒作灰合唾攤緋帛上貼疔腫

根〔禁〕馬心患病人不得食駿馬肉食之不飲酒殺人馬肝及鞍下肉食之殺人白馬青蹄亦不可食

馬黑脊而延臂漏不可食患瘡疥人切不可食馬骨傷人馬汗馬氣馬尾並能為害馬自死肉

不可食五月勿食傷神白馬黑頭食之令人癩及生馬血入人肉中多只三兩日便腫連心則死有人剝馬被骨傷肉中一夜致死蹄無夜眼者勿食馬生疥者不可食食之生寸白蟲婦人懷娠不得食馬肉爲其十二月胎解食諸馬肉心悶飲清酒即解濁酒即加食血亦飲美酒解之馬肉不恐產遲故也解與薑同食生氣嗽及忌蒼耳生薑同食又勿與倉米同食必卒得惡疾

馬乳無毒鹽乳附

馬乳止渴

名醫所錄

地

陶隱居云今人不甚服當緣難得也唐本注云馬乳與鹽乳性同冷利馬乳作酪尤爲酷冷江南乏馬乳今俱合是冷委言之胡言馬酪性溫飲之消肉

當以物類自相制伏不拘冷熱也

時

探無時

收

以磁器盛貯

色

白

味

甘

性

冷

氣

氣之薄者

臭

治

療唐本注云祛熱消肉積○鹽乳治微熱黃及小兒中熱驚熱服之

忌

不可與生魚同食食之成瘕疾

底野迦無毒

底野迦主百病中惡客忤邪氣心腹積聚

名醫所錄

地

圖經曰出西戎彼人用諸膽合和作之狀似久壞丸藥赤黑色今海南

或有之唐本注云胡人時將至此甚珍貴試用有效

收

藥器貯之

質

狀如久壞丸藥

色

赤

味

辛

性

平

氣

氣薄味厚陰中之陽

臭

腥

五種陳藏器餘

茶苜机屎主蛇虺毒兩頭鹿屎也出永昌郡取屎以傅瘡博物志云蔡余義獸似鹿兩頭其胎中屎四時取之未知今有此物否茶苜机余義也范曄後漢書云雲陽縣有神鹿兩頭能食毒草華陽國志曰此鹿出雲陽南郡熊舍山卽此余義也

○諸朽骨主骨蒸多取淨洗刮却土氣於釜中煮之取桃柳枝各五斗煮枯棘鍼三斗煮減半去滓以酢漿水和之煮三五沸將出令患者散髮正坐以湯從頂淋之唯熱爲佳若心悶可進少冷飯當得大汗去惡氣汗乾可粉身食鼓粥羸者少與又東牆腐骨醋磨塗痕得滅及除癰瘍風瘡癬白爛東牆墻之東最向陽也○烏氈無毒主火燒生瘡令不著風水止血除賊風燒爲灰酒下二錢匕主產後血下不止久臥吸人脂血令人無顏色上氣○海獺味鹹無毒主人食魚中毒魚骨傷人痛不可忍及鯁不下者取皮煮汁服之海人亦食其肉似獺大如犬脚下有皮如人胼拇毛著水不濡海中魚獺海牛海馬海驢等皮毛在陸地皆候風潮猶能毛起博物志有此說也○土撥鼠味甘平無毒主野雞癰瘡肥美煮食之宜人
生西蕃山澤穴土爲窠形如獺夷人掘取食之魏略曰大秦國出辟毒鼠近似此也

本草品彙精要卷之二十四

獸部中品

七種神農本經朱字

六種名醫別錄黑字

一種唐本先附注云唐附

一種今補

四種陳藏器餘

已上總一十九種

鹿茸骨角髓腎肉附

麋脂角肉骨茸附自下品今移

白膠鹿角霜附自上品今移

殺羊角髓膽肺心腎齒肉骨屎附

羊乳自上品今移

牡狗陰莖膽心腦齒骨蹄血肉附

羚羊角

犀角

虎骨膏爪肉附

兔頭骨腦肝肉附

筆頭灰唐附

狸骨肉陰莖貓附

鼈骨肉髓附

豹肉貊附

獅子尿毛附今補

四種陳藏器餘

犢子臍屎

靈猫

震肉

鬘鬘